

Sub Obitum Viri Spectatissimi,
GEORGII JAMESONI,
ABREDONENSIS,
Pictoris Eminentissimi,
Lachrymæ.

Gentis Apollo suæ fuit ut Buchananus, Apelles
Solutus eras Patriæ sic, JAMESONE, tuæ.
Rara avis in nostris oris: Tibi mille colores,
Ora tibi soli pingere viva datum.
At Te nulla manus poterit sat pingere; nempe
Lampada cui tradas nulla reperta manus.
Quin si forte tuas vatum quis carmine laudes
Tentet, id ingenii vim superabit opus.
Quicquid erit, salve pictorum gloria, salve:
Æternumque vale Phosphore Scotigenum:
Phosphore, namque tua ars tenebris prius oblita cæcis,
Fors nitidum cernet Te præeunte diem.

Tumulus Ejusdem.

Conditur hic tumulo JAMESONUS Pictor, & una
Cum Domino jacet hic Ars quoque tecta suo.
Hujus ni renovent cineres Phœnicis Apellem;
Inque urnâ hac coeant Ortus & Interitus.

Ejusdem Encomium meritissimum.

Si pietas prudens, pia si prudentia, vitæ
Si probitas, omni si sine labe fides;
Partaque si graphio Magnatum gratia, dotes
Nobilis ingenii siquid honoris habent;
Si nitor in pretio est morum cultusque decori,
Et tenuem prompta sæpe levasse manu;
Æmula si Belgis Italique peritæ dextræ
Artifici laudem conciliare queat:
Omne tulit punctum JAMESONUS, Zeuxæ vel ipso
Teste; vel hoc majus Græcia si quid habet.

Amoris indissolubilis ergo

DAVID WEDDERBURNUS.

Ad Exemplar ABREDONIÆ Impressum per *Edwardum Rabanum*, 1644.

